

SARS E AMOGELA KAHLOLELO YA POLOKO YA SEPHIRI

Tshwane, 20 Oktobore 2023 – Khomišinare wa Ditirelo tša Motšhelo tša Afrika Borwa (SARS) o amogetše kahlolelo yeo e dirilwego mo bekeng ke Karolo ya Selegae ya KwaZulu-Natal , ka go šomana le bohwa bja go tšhona bja Jubilee Plant Hire SA CC (“Jubilee”).

Kgorotsheko e phethile ka go gana go ribolla sephiri sa taelelo yeo e filwego ka Nofemere 2021 ka go dumela kgopelo ya SARS ya go 'dumelela nyakišišo le le go thibela leloko le le golo le ditlhatse ka go nyakišišo ya go tšhona go se fihlelela tshedimošo go bona. Kgorotsheko e tšwetšepele ka go fana ka taelelo ya tefišo kgatlhanong le beng ba Jubilee.

Kgorotsheko, go ya ka go phega ga SARS, e beetše thoko maitekelo a tshepetšo ya tirišompe ya phološo ya kgwebo gomme e likhwideitile Jubilee. Jubilee, gammogo le dikoporasi tše dingwe tša go tswalelwa, di be di kolota SARS palo ya go feta R400-million. Ka go beela thoko nyakišišo ya go sepetšwa ke Hlogo ya Kgorotsheko Kgolo gape go ya ka taolo ya bohwa bja Jubilee bjo bo bego go kgethollotšwe, SARS e be e gapetšegile go tsenagare le go tšwetšapele kgopelo go sepetša nyakišišo go ya ka Molao wa Dikhamphani ka Kgorotsheko Kgolo ya ka KwaZulu-Natal.

Nyakišišo mafelelong e ile ya tšwetšwapele gomme ka morago ga go tlhagelela nyakišišong, leloko le le tee la Jubilee, Moh. Neermala Moodley, le ditlhatse tše dingwe, e lego, Mrn. Panganathan Marimuthu, Mrn. Lovendren Marimuthu, Mohumagatšana Shantal Redhi le Mohumagatšana Ramona Budden, ba kgopetše Khomišinare yo a bego a sepetša morero go ribolla dipampiri tša kgorotsheko ka go kgopelo ya SARS bakeng sa nyakišišo ye e mpsha. Khomišinare o ganne kgopelo ye.

Morago ga moo bakgopedi ba ile ba tlhoma kgopelo ya ribollo ya dipampiri tša kgorotsheko tša SARS le thibelo ya nakwana ya go ganetša bakgopedi go tsenela nyakišišo yeo e laeditšwego ka godimo. SARS e ganne bobedi bja dikgopelo. Go kahlolelo yeo e filwego ke Karolo ya Selegae ya Kwa-Zulu Natal, kgorotsheko e hweditše gore bakgopedi ba paletšwe ke go fana ka mabaka a go kwagala gore kgorotsheko e ribolle sephiri.

Bakgopedi dipampiring tša bona ga se ba ganetše gore ditaetšo tša morago di be di sa ribollelwa kgorotsheko, ka go rialo se se laetša gore se e be e se kganetšano. Ka tlaleletšo, kgorotsheko e be e na le kgopolo ya gore bakgopedi ba paletšwe ke go šomana le merero yeo e laeditšwego ka SARS dipampiring tša bona. Ka fao, ge e sale bakgopedi ba paletšwe ke go ganetšana le ditatofatšo tša SARS go ditaelo tša nyakišišo, kgopelo e ile ga ganetšwa ka ditefišo – go ya ka molawana wa go bitšwa *Plascon-Evans* .

Khomišinare wa SARS Kieswetter o nyamišitšwe ke gore balefela motšhelo ba bangwe ba leka go efoga obamelolo ya boitlamo bja bona ka ditshepetšo tša go tšhona ga bohwa. Mo mabakeng a mantši, fisikase e ba motšwa sehlabelo yo mogolo. SARS e ikgafetše go tšea magato a bogale le ka tebo ge balefela motšhelo bao ba sa obamelego ba efoga boitlamo bja bona bja motšhelo ka tobo ya fisikase, go akaretša tlhotlhomišo ya balefela motšhelo ba ya likhwideišene le kamogo. SARS e ipiletša go ditsebi ka moka tša go šoma ka goš tšhona ga dikgwebo go tšwetša phethagalo ya mešomo ya bona ntle le go fiega le phethagalo ka ge mešomo ya bona e le bohlokwa kudu go kgontšhagalo ya bakoloti go hwetša ditefelo tša dikoloto tša bona ka mo go kgonegago go kgontšha go ba gona ga bakoloti le ditiragalo tša kgwego. SARS ka mehla e tla dula e šoma ka mokgwa wo o thekgago go gola ga ekonomi le tlholego ya mešomo.

Go hwetša tshedimošo enngwe ikgokaganye le SarsMedia@sars.gov.za